

Pergunta ba Partidu Polítiku

La'ó Hamutuk nia pergunta ba Partidu Polítiku sira ne'ebé sei kompete iha Eleisaun Parlamentar periodu 2017-2022

Pergunta jerál ba Partidu Polítiku sira

1. Saida mak sai *vizaun estratéjiku* atu lori povu no nasaun Timor-Leste durante tinan lima oin mai karik povu hili ita boot sira nia partidu manan maioria iha elisaun jeral ne'e?

Kontestu: Laiha setór vida sosiál mesak oan ida mak la presiza Estadu nia intervensaun, maski investe ona osan barak, rihun-ba-rihun, iha projetu, infraestruturá no iha obra ho retornu ita ladún sente. País nia ekonomía ida ne'ebé mak depende tomak bá importasaun, laiha setór produtivu organizadu, laiha regulasaun lolos ba merkadu no dependente tomak, kona-ba orsamentu, ba reseita hosi minarai. Hosi krize artifisiál 2006 mai, liu tiha ona dékada ida, itania governu sira to'ó ohinloron halo de'it jestaun ba rekursu sira tuir anin nia hú, laho dalan pragmatiku ruma koerente, laho vizaun ruma ba médiu no longu prazu, no la antesipa solusaun ba problema sira ne'ebé mak iha ona hanesan ki'ak, hamlaha, moris mukit, servisu saúde ne'ebé la'ó ladi'ak no laiha servisu ba povu maubere.

Vizaun: **Kaer ba rekursu hirak-ne'e duni, ita bele halo barak no di'ak liu.** Prova ida, mai ita hotu atu haree momoos, maka projetu foun ZEESM-TL. Ita bele kombate populasaun nia izolamentu, hari'i infraestruturá ho kualidade, dinamiza servisu públiku sira, hamoris valénsia sosiál iha saúde, iha edukasaun, iha ekonomía ho kualidade no ho retornu pozitivu evidente ho hadi'ak liután timoroan sira-nia moris lorloron.

Presiza mobiliza no organiza sosiedade tomak, hamri'ik hasoru ki'ak, eskluzaun sosiál, falta empregu, dependénsia ba importasaun. Estadu, Igreja Katólíka, konfisaun relijioza sira seluk, Sociedade Sivil, sidadaun hotu-hotu, feto hó mane: Mai, ita hotu fó-liman ba malu, atu bele hadi'ak liután sistema edukasaun nian, saúde nian, ekonomía nian no desenvolvimentu nian iha setór hotu-hotu. Mai, ita harii parsería boot ida hodi bele hakat-liu dezafiu boot ida tan. Dezafiu ne'e mak FRETILIN hakarak halo iha governasaun tuirmai.

Iha prazu badak, presiza defíni programa urjénsia ida, iha área sira krítiku edukasaun, saúde, ba lansa-hikas ekonomía no ba kombate dezempregu no ki'ak. No nune'e atu mobiliza sosiedade maubere tomak, lori bá loron aban-bainrua ho kualifikasaun no progresu, atu bele harii akordu konsertasaun sosiál estratéjiku no ho plataforma kle'an ba entendimentu polítiku, atu ita hotu hamutuk bele halakon problema sira no mos ita bele aproveita hamutuk oportunidade sira iha dékada tuirmai.

Liu polítika ekonomía sosiál ba merkadu sei halo rendimentu familiár di'ak liután, kontributu solidáriu ba konsumidór sira, ba empreza no ba traballadór sira no sei iha kbiit atu lansa-hikas investimentu, hodi halo ezekusaun fundus no orsamentu la'ó lais liután no fó prioridade ba inkorporasaun teknolójika no ba modernizasaun, sei la'ós de'it hamosu kresimentu boot-liu ba produktu no ba empregu, maibé sei hatún liután dezempregu, sei garante mos rezultadu di'ak-liu iha luta hasoru ki'ak no eskluzaun sosiál.

Ita bele promove kresimentu no empregu, no asegura mos iha tempu hanesan, rigór no sustentabilidade finansas públicas nian, hanesan hatudu iha ZEESM TL. Oras ne'e iha ona ita-nia liman rasik atu hili, ka la hili, dalan seluk ruma.

Pergunta ba Partidu Polítiku

Timor-Leste presiza governu ida forti, lideransa ida ho kbiit atu halo buat sira didi'ak no atu ko'alia iha Parlamentu Nasionál no ho parseiru sosiál sira hotu. Presiza iha lian forti no afirmativa iha instituisaun internasionál sira tanba dezafiu sira ba defini nia fronteira no afirma nia soberanía. Timor-Leste nia futuru eziji atu buka dalan seluk. Ema sira tenki komprometidu liután ho servisu púbiku, hó esperiénsia, pragmátiku, tuba-metin hodi defende interese nasionál hotu-hotu. Tenki iha polítika sira orientadu ba kresimentu ekonómiku, ba investimentu no ba empregu, ba rigór orsamentál, ba solidariedade, ba saúde ba edukasaun no formasaun, ba modernizasaun no ba aproveita ita-nia rekursu sira hotu.

2. **Programa prioridade** saida mak partidu ne'e lori hodi konvense votantes sira? no hatudu katak ita-boot sira nia programa mak di'ak liu ba Timor-Leste?

FRETILIN, ohin, bele hato'o ba País atu hili dalan oin-seluk lubun ida, forti no rigorozu, ba polítika ekonómika oi-oin, ne'ebé mak sukat tiha ona nia kustu, benefisiu, hodi kaer metin nafatin kontas públikas nia sustentabilidade. Tenki responde ba problema sira País nian ho polítika seluk no ho alternativa seluk.

Ne'e mak FRETILIN nia hakarak: reprezenta hosi polítika maioría sosiál boot ida-ne'e no kumpri nia devér iha timoroan sira hotu nia leet, hato'o alternativa ida ba sira, tau hamutuk hotu iha programa foun ida, lideransa foun ida no iha ekipa foun ida.

Timor-Leste presiza duni programa ida ba ekonomía sosiál no ba merkadu loloos, ba lejistura atu tuirmai, hatuur iha dezafiu tolu hodi bele lansa-hikas ekonomía: aumenta família sira-nia rendimentu disponível, rezolve problema finansiametu ba empreza sira no promove empregu, hodi kombate prekariedade.

FRETILIN nia objetivu hodi kria sosiedade ida ne'ebé igual liu. Promosaun igualidade no hapara diskriminasaun iha imperativu étiku, juridiku no konstitusional ho defesa no garantia direitu fundamental sira. Dezafiu ohin atu promove igualidade exige modelu foun ba organizasaun sosial. FRETILIN defende no atu tuir asaun polítiku hodi asegura vizaun futuru nia katak aposta iha sidadania, valoriza responsabilidade sosial no étika empresarial no defina política públiku hodi hametin koesaun sosial no territorial. A polítka FRETILIN nian garantia igualidade fetu ho mane. Presiza promove partisipasaun fetu nian iha fatin desisaun polítika no ekonomia tuir prinsipiu 'salariu igual ba servisu igual'. Presiza defende dignidade no hapara violência generu nian.

MAI ITA

- HADIA SA'IDA MAK LA'O NAKSALAK IHA TINAN SANULU NIA LARAN

MAI ITA

- HARII POLITIKAS, SISTEMA, PROGRAMAS FOUN BA DEZENVOLVIMENTO ATU LOKE DALAN BA TL ATU BURAS LIU TAN NO LORI POVU SAI HUSI NAKUKUN, HUSI KIAK NO MUKIT

MAI ITA

- HAMETIN EKONOMIA SOSIAL DE MERCADO HANESA MODELO FOUN IDA BA DEZENVOLVIMENTO, DALAN LOS ATU FO BENEFISIU BA MAUBERES NO BUIBERES TOMAK NO LORI NAROMAN BA HAMETIN LIU TAN PÁZ,

Pergunta ba Partidu Polítiku

ESTABILIDADE NO DEMOKRASIA, HAMETIN LIU TAN JUSTISA NO ESTADO DE DIREITO, HAMETIN LIU TAN NASAUN MAUBERE, HANESAN UMA LISAN NASIONAL IDA ATU FO MAHON BA MAUBERES NO BUIBERES HOTU2.

MAI ITA

- HABURAS TL HUSI DALAN MOBILIZASAUN NO ORGANIZASAUN POVU TOMAK ATU PARTISIPA IHA PROSESU HADIA, HARI NO HAMETIN - PARTISIPA IHA PROSESU LIBERTASAUN POVU NIAN RASIK

MAI ITA

- HABELAR DEZENVOLVIMENTO HO NIA MODELO FOUN BA TL TOMAK ATU HAMETIN UNIDADE NASIONAL NO HOTU2 HAMUTUK BELE DEFENDE HO FORSA NO KBIT TOMAK POVU NIAN, ITA NIA SOBERANIA NASIONAL

MAI ITA HOTU LUTA ATU

- HAMOS KKN ATU LOKE DALAN BA UZA OSAN POVU NIAN BA HASAI POVU HUSI KIAK, MUKIT NO NAKUKUN

MAI ITA HOTU VOTA BA FRETILIN, TANBA FRETILIN DEIT MAKA BELE LIDERA POVU TOMAK ATU KORE NIA AN HUSI KIAK, MUKIT NO HASAI MAUBERES NO BUIBERES HOTU2 HUSI NAKUKUN

Pergunta ba asuntu ekonomia

1. *Dezde 2012, Timor-Leste nia reseita husi mina no gás tun maka'as no lalais, no iha tinan oin (2018) sei tun ba maizumenus tokon \$80, no para iha 2021.* Maske Timor-Leste nia posu mina bayu undan atu hotu no posu greater sunrise kontinua iha inserteza, setór produtivu sira hanesan agrikultura, fábrica no turizmu seidauk iha kreximentu. Polítika saida mak ita-boot nia partidu sei trasa atu hasa'e ekonomia Timór-Leste no sustenta finansas estadu bainhira mina-rai sei maran?

País nia ekonomia ida ne'ebé mak depende tomak bá importasaun, laiha setór produtivu organizadu, laiha regulamentu lolos ba merkadu no dependente tomak, kona-ba orsamentu, ba reseita hosi minarai. Timor-Leste prezisa duni programa ida ba ekonomia sosial no ba merkadu loloos, ba lejistura atu tuirmai, hatuur iha dezafiu tolu hodi bele lansa-hikas ekonomia: aumenta familia sira-nia rendimentu disponivel, rezolve problema financiamentu ba empreza sira no promove empregu, hodi combate prekariedade.

Kaer ba rekursu ne'ebé iha agora, ita bele halo barak no di'ak liu. Kanaliza osan estadu no atrai fundu seluk hodi investe iha diversifikasaun ekonomia hanesan agricultura, turismo, produto inovadoru ne'ebé foun liu parseria governu, universidade no empresa sira.

Hodi evita repetisaun iha resposta, favor haree resposta pergunta 11 ba informasaun konaba agricultura no turizmu no resposta pergunta 12 konaba diversifikasaun ekonomia.

2. Besik kada tinan, *Governu viola Fundu Petrolíferu (FP) nia matadalan Rendimentu Sustentável Estimadu (RSE)*, no Orsamentu Estadu 2017 iha planu atu gasta besik dala haat

Pergunta ba Partidu Polítiku

(4) RSE kada tinan entre 2018 to'o 2021 Durante tinan haat ne'e, 74% estadu nia despeza sei mai husi FP. Política ida ne'e sai hanesan ameasa boot ba estadu nia sustentabilidade, no FP bele mamuk iha tinan sanulu oin mai. Karik eleitu, oinsá mak ita-boot sira sei garante FP nia sustentabilidade iha futuru?

Ita presiza aumenta rezerva osan iha Fundu Soberanu, ohin reduzidu ba reseita husi gas no petróleu husi Bayu Udang. Orsamentu estadu nia iha tinan sanulu liuba gasta ho forma ne'ebé fakar bee ba rai maran, bee halai maibe seidauk iha preparasaun suficiente ba diversifikasaun ekonomia no seidauk iha investementu suficiente iha ema.

Pasu da'uluk – hadia uzu orsamentu estadu nian hodi investe iha ema no investe iha futuru. Hodi evita repetisaun iha resposta, favor haree resposta pergunta 11 ba informasaun konaba agricultura no turismo hanesan potencial ba redimentu iha futuru no resposta pergunta 12 konaba diversifikasaun ekonomia.

Ezemplu: Garante ba sustentabilidade ba sistema seguransa sosial, liu husi institucionalizasaun ho fundo ida hodi nune atu garante kontinuidadi ba subsidiu ba idozu sira, veteranu sira no beneficiáriu sira husi bolsa da mae.

3. Dezde tinan balun ona, ***Governu hahú implementa projetu indústria petróleu Tasi Mane iha Kosta Súl, no gasta ona besik tokon \$230.*** Projetu ida ne'e sei presiza biliaun ba biliaun tan husi povu nia osan. Maibé, ajénsia internasionál, peritu independente sira, akadémiku no peskizadór sira husi nasaun laran la fiar katak projetu boot sira sei hetan retornu finansial no sosiál boot liu ninia investimentu no impaktu. Ita boot nia partidu hanoin projetu ida ne'e bele fó benefísiu ba povu Timor-Leste nia futuru? Se lae, saida mak ita boot sira sei halo atu kansela projetu ida ne'e, no oinsá ita bele uza rekursu ne'ebé hetan libertasaun bainhira Tasi Mane kansela ona?

FRETILIN konkorda halo investimento iha infraestrutura hanesan dalan importante ba desenvolvimentu ba povu tomak, laos halo investimento iha Dili deit. Importante tebes hatun izolamentu povu sira iha kosta tasi mane no fasilita moviemntu ba merkadu no servisu sira. Investimentu nee tenke halo iha portu sira, dalan terrestre nia nomos transporte liu tasi. Maibe prosesu planeamentu, desizaun, definisaun modelu kontratu sira no finansiamentu ba projetu infraestrutura ne'ebé boot tenke muda profundamente hodi eliminar desisaun mal fundamentadu, la baseadu avaliasaun suficiente, no ne'ebeé muda tambá governu presiza muda tambá akontesimentu ka necessidade governamental ruma mosu. Ida nee knaar estadu nia hodi evitar risku kaptura interesse públiku liu “outsourcing”. Ezemplu mudança nee inklui prosesu audisaun no diskusaun públiku ba programa investimento plurianuais nomos apresiasaun no aprovasaun parlamentar husi maioria kualifikadu 2/3 ba programa investimento plurianuais ho folin aas liu 50 milhoes dólares.

FRETILIN sei halo balansu (analisa no tetu) saida mak halo iha tinan sanulu liu ba, no HADIA SA'IDA MAK LA'O NAKSALAK IHA TINAN SANULU NIA LARAN.

4. Daudauk ne'e, Timor-Leste nia povu, feto no labarik sira seidauk hetan edukasaun no saúde ho kualidade, maibé alokasaun iha orsamentu estadu kontinua menus duké aeroportu, portu, projetu Tasi Mane, ZEESM no estrada boot sira. Saida mak ita boot nia partidu sei halo atu resolve problema ida ne'e?

Pergunta ba Partidu Polítiku

Investimentu no hadiar edukasaun no saúde halo parte FRETILIN nia kompromisu hodi investe iha dignidade ema nian.

SAUDE: Governasaun durante tinan sira ikus liu iha saúde malgasta rekursu limitadu no provoca problema seriu no desigualdade iha asesu ne'ebé ezije reformas profundus. Oinsá halo rekuperasaun no dinamizasaun ba setor saúde sai hanesan desafio boot tebes ba ita iha tinan 10 oin mai no sai teste forti ba ita nia fiar metin iha política Estado de Economia Sosial. Needuni, urjente tebes hadiar sistema saúde nian hodi responde di'akliu no lalais liu ba nesesidade povu nian, hodi hetan konsulta, meu diagnostiku no terapeútika iha fatin ida. Tenke evita haruka ba fatin dok ka iha rai liur. FRETILIN valoriza saúde públiku hanesan área intervensaun nian. Medidas inklui:

- Kriasaun Programa Nasional Edukasaun nia ba Saude, Literasia ho Autokuidadu – oinsá halo prevensaun ba moras diabetes (ran midar) no obezidadi, promove saúde mental no enveleser ho saúde di'ak.
- Reforsa vigilánsia epidemiolojiku
- Revitalisar programa controlo moras transmissível
- Promove prevensaun ka husik fuma, hatun usu alkohol no promove hehan saudável
- Avaliar no atualizar programa nasional vaksina nian
- Hatun desigualdade iha asesu saúde nian
- Reforsa kibiit sidadaun iha sistema saúde nian
- Habelar no hadi'ak kapasidade kuidadu saúde primária
- Hadjar gestaun iha óspital no sirkulasaun informasaun iha klinika sira
- Hadjar integrasaun rede kuidadu kontínuo no servisu seluk ba ema ne'ebé dependente
- Hadjar gestaun rekursu humanu no administrasaun iha servisu saúde nian
- Hadjar qualidade kuidadu saúde nian

EDUKASAUN no formasaun iha base esensial ba ita nia futuro hanesan estado democrátiku. Ba FRETILIN, edukasaun iha meu privilegiadu atu promove justisa sosial no igualdade oportunidade sira. Ita nia política edukasaun nian atu garante igualdade asesu eskola públiku ba labarak sira hotu no promove susesu edukativu ba sira iha tinan 9 eskola obrigatóriu.

Iha kombate insusesu eskolar no hadiar qualidade edukasaun tenke:

- Mobiliza ajente edukativu hotu hodi garantia partisipasaun boot liu iha desisaun no implementasaun politika edukativu sira
- Hametin estabilidade servisu iha eskola sira ho reforma progresivu no apostu boot iha formasaun profesor sira
- Halao autonomia iha eskola hodi identifica estratéjiku efikaz liu
- Garantia katak labarik sira hotu iha direitu edukasaun komun ida ho apoiu ba nesesidade ne'ebé diferente
- Reforsa qualidade servisu públiku edukasaun nian no qualidade ho susesu iha prosesu aprendizagem
- Halo ligasaun ho programa kombate hakiak infantil no program sosial sira seluk
- Apostu iha edukasaun pre-eskolar hodi hatun insusesu eskolar
- Desenvolve ensinu basiku ne'ebé integradu, global no komun ba labarik sira hotu
- Asegura kumprimentu tinan 9 eskola obrigatori,
- Valoriza ensinu sekundáriu no diversifikar oferta formativu inkluidu formasaun kontinua ba formador sira
- Promove asesu ema ho defisiensi iha edukasaun
- Mobiliza asaun sosial eskolar hodi kombate desigualdade no insusesu escolar

Pergunta ba Partidu Polítiku

- Promove desentralizasaun no desburokratizaun iha sistema edukativu
- Modernizar modelu no instrumentu aprendizagem nian
- Kriar programa edukativu ba adultu sira
- Moderniza, hadiar no diversifika ensinu superior
- Kriar programa estajiu ba estudante iha ensinu superior hodi hadiar possibilidade empregu ba joven sira

Favor nota katak investimentu iha ZEESM mos inklui investimento iha edukasaun no saúde. Hanesan UNDP foin afirma iha sira nia relatório ne'ebe lansa ba upliku semana ne'e:

ZEESM TL has made considerable progress since 2014, particularly on establishing an effective administrative and regulatory framework as a SEZ. This has fostered rapid and quality infrastructure development that nurtures the enabling environment for regional economic development and diversification. Some initiatives have directly improved people's lives, considerably increasing the number of people that have access to electricity, clean and safe drinking water, and improved sanitation. The recently approved land law should provide the basis for land tenure management and allow a continued focus on city planning and economic development with less constraints. Efforts are underway to train skilled health personnel and to devise a mobile clinic scheme to bring better quality health closer to local people. Roads and bridges are decreasing the traveling times between people and facilities such as schools and health clinics.

5. Timor-Leste nia populasaun maioria ho idade nurak no foin-sa'e. Foin-sa'e barak too oras ne'e laiha servisu no universidade sira kontinua prodús graduadu barak, maibé kampu de traballu limitadu liu atu simu sira. Oinsá partidu polítiku sira nia programa atu kria kampu traballu ba foin-sa'e sira no ba sira ne'ebé gradua husi universidade tinan-tinan?

FRETILIN nia preokupasaun ho kampu servisu no oportunidade, laos ba ema ne'ebe "graduadu deit". Dignidade ba ema tenke iha valor sentral ba sociedade ida ne'ebe di'ak. Fó prioridade ba ema implika proporsianar oportunidade atu hetan kualifikasaun ba ema hotu liu edukasaun no formasaun profissional ba joven sira nomos ema seluk, particularmente sira ne'ebé seidak hetan oportunidade ba kualifikasaun ruma. Preokupasaun empregu la'os ba sira ne'ebé kompleta universidade deit maibe sira seluk mos.

FRETILIN sei harii programa finansiadu ba apoiu formasaun no kualifikasaun rekursu umanu sira-nian, ba empreza nasional sira ne'ebé mak hakarak, bainhira remata hatama rekursu umanu sira-ne'e iha sira-nia empreza ba tempu mínimu tinan 2 no ba empreza internasionál sira ba mínimu tinan 4.

FRETILIN sei promove kriasaun empregu liuhosi:

1. Insentivu ba empreza sira atu kontrata foin-sa'e sira dezempregadu ka foin buka sira-nia empregu dah'uluk;
2. Programa ida ba apoia empregu empreza sira ne'ebé kontrata foin-sa'e dezempregadu hamutuk ho sira foin buka empregu dah'uluk no kleur ona iha hela dezempregu, ho respeitu ba kondisionante "kria empregu líkidu" no kontratu permanente.

FRETILIN sei promove desenvolvimentu emperezial ho adopta medida ne'ebé mak bele kontribui atu halakon buat sira-ne'ebé taka-dalan ba empreendedorizmu no fó kbiit ba

Pergunta ba Partidu Polítiku

kriatividade no kapasidade inisiativa timoroan sira-nian, liu-liu emprezáriu foinsa'e sira, no investdór estranjeiru sira-ne'ebé mak hili Timor-Leste hodi kria empregu no hamosu rikeza. Ba ida-ne'e FRETILIN hakarak:

1. Harii aselerador ida ba empreza sira, ba âmbito nasionál maibé ho relevánsia internasionál, hodi apoia startup sira tama iha país sira seluk, liuhosi rede mentoria especializada ida no ba apoia atu sira tama iha país sira seluk, hodi promove interkámbiu ba startups sira-ne'ebé buras daudaun no iha ona faze espansaun;
2. Kria Rede Nasionál ba Inkubadora, hodi promove kooperasaun, partilla rekursus no dada hamutuk membru sira-nia inisiativa. Rede ida-ne'e sei kaer mos nu'udar objetivu, promove no apoia harii inkubadora foun ho qualidade;
3. Promove kultura empreendedorora iha foinsa'e sira-nia leet, liuhosi introdusaun módu ka kursu empreendedorizmu iha eskola públiku sira no kria programa estájiu ba estudante sira iha startups, inkubadora ka aseleradora;
4. Kria regulamentu ba mikrokréditu sira hodi bele apoia PME foun sira atu buras, haree liu-liu ba sira-ne'ebé ligadu ho setór produtivu, agropekuáriu, peskas no florestas.

Ezemplu ida ne'ebé fó benefisiu ba joven sira: aprova rejime "Taxa Zero" ida, hodi dispensa/lalika atu selu taxa administrativa no impostu ba tinan ida, ba empreza investidór foinsa'e sira harii no startup inovadora sira.

FRETILIN atu renova Administrasaun Públika ho "raan foun" liuhosi lansamentu konkursu nasionál ba kadru profisionál foinsa'e sira iha nível superiór. Iha edukasaun, atu kria programa estájiu ba estudante iha ensinu superior hodi hadiar possibilidade empregu ba joven sira. Atu halao pakote insentivu hodi atrai no fixu joven sira iha parte interior ho projetu empreendedores, rehabilitasaun edifisios abandonados, instalasaun agrikultore joven sira no empresáriu joven sira. Atu kria Estatuto Jovem Empresário Rural hodi define insentivu sira ba diversifikasaun ekonomia regional, fixasaun joven iha área rural, no loke postu empregu liu joven empresáriu sira ho atividade agrikulu iha área rural.

FRETILIN sei promove "empreendedorismo", promove ekonomia ho kriatividade bot liu, hodi bele loke oportunidade ba ita nia povo atu bele hetan oportunidade mrosi diak liu tan, ho atividade ekonomika no empresarial, no kooperativa, no seluk tan, diak liu tan.

6. ***Timor-Leste asina ona kontratu empréstimu ho valór total tokon \$400, no iha planu atu foti empréstimu ho valór \$1.2 biliaun entre 2017-2021.*** Maioria osan deve ne'e sei selu ba projetu boot ho retornu ne'ebé la klaru hanesan Tasi Mane, aeroportu Dili, estrada no auto estrada no La'o Hamutuk haree katak deve sei sai problema boot ba Timor-Leste bainhira mina maran ona no Timor-Leste tenke selu ba ninia kreditór sira. Ita boot nia partidu konkorda ho polítika empréstimu ida ne'e? Se lae, oinsá mak ita boot sei evita Timor-Leste nia deve kontinua sa'e to'o nivel ne'ebé la sustentável?

Estadu ida exige katak maske iha mudansa governu, governu foun tenke assume kompormissus legais ne'ebe governu anterior halo. FRETILIN nia kompormissu atu halo balansu, no hadiak, exige mos katak governu foun ne'ebe FRETILIN lidera tenke:

- HADIA SA'IDA MAK LA'O NAKSALAK IHA TINAN SANULU NIA LARAN

Pergunta ba Partidu Polítiku

- HARII POLITIKAS, SISTEMA, PROGRAMAS FOUN BA DEZENVOLVIMENTO ATU LOKE DALAN BA TL ATU BURAS LIU TAN NO LORI POVU SAI HUSI NAKUKUN, HUSI KIAK NO MUKIT

Se emprestimu ne'ebe kontrata tiha ona, iha nia benefisiu, se estadu komprometidu ona, entaun governu foun tenke assume mos, nudar acto continuidade estadu responsavel no tuir legalidade.

Kreditu husi emprestimu, tenke avalia tuir ninia aplikasaun no sirkunstansia atual.

7. Timor-Leste atualmente konsentra maka'as liu ba projetu boot sira, ne'ebé tuir peskizadór, akadémiku, Polítiku no povu bain-bain sira konsidera sei laiha benefisiu ba povu nia moris no la ajuda sustentabilidade ekonomia nasaun nia, Polítika saida mak ita-boot sira nia partidu sei halo atu ajuda ajénsia estadu no privadu sira bele promove transparénsia, check and balance, kontabilidade no prevene husi korrupsaun?

FRETILIN entende katak importante atu adopta Orsamentu ida Partisipativu, iha nível Orsamentu Estadu nian, hodi prevé afetasaun verbas ba projetu ne'ebé sidadaun sira maka hili, liu-liu ba projetu sira-ne'ebé mak promove kualidade moris.

Seluk ba ne'e, FRETILIN hakarak dezenvolve projetu ida "Perguntas ba Governu" nu'udar dalan atu fasilita kontaktu entre governu, Administrasaun Públika no sidadaun sira, hodi fó ba sidadaun ne'ebé de'it, possibilidade atu husu rasik pergunta ba governu ka ba Administrasaun Públika, no sei bele hatudu entidade públika ruma asegura, hamutuk ho entidade sira relevante, esklaresimentu iha tempu razoável nia laran.

Nune'e, importante mos atu hatama benefisiu ba entidade patronál sira-ne'ebé mak harii kondisaun ba sira-nia kolaboradór sira-nia partisipasaun sívika.

FRETILIN defende:

- Adopta Normas ba Transparénsia Públika, ne'ebé mak titular sira kargu públiku nian, jestór públiku sira, titular órgaun sira-nian, funcionáriu no traballadór sira Administrasaun Públika nian sei sujeitu bá, atu regula entre aspetu seluk, simu presente no "ospitalidade" ne'ebé mak entidade privada sira fó gratuitu de'it;
- Kria rejistu públiku ba interese iha Diresaun no Administrasaun Públika Estadu nian, habesik nia rejime ida-ne'ebé iha ona ba deputadu no membru governu sira;
- Proibisaun atu simu mandatu judisiál, iha asaun sira kontra ka a favór Estadu ka entidade públika seluk, ba deputadu sira-ne'ebé ezerse advokasía.

UKUN DI'AK-LIU TAN, UKUN OIN-SELUK

FRETILIN sei implementa modelu foun ba hala'o responsabilidade governativa transparente liu, ájil liu no efikás liu, liuhosi sidadaun sira-nia partisipasaun no envolvimentu boot liu. Tenki iha governasaun ida fleksível liu, no orienta liu ba hetan rezultadus, ne'ebé mak buka hadi'ak kualidade produsaun lejislativa no metodolojia ida eficiente liután ba planeamentu no hala'o obras públika boboot sira.

Aumenta asesu informasaun liu divulga informasaun kona-ba lei sira publika ona, iha linguajem momoos, ho lia portugés no iha lia tetun, sidadaun hotu bele komprende, inklui mos rezumu iha suporte áudio ba sira matan labele haree; Nomos tau aservu lejislativu tomak jornal da república nian iha Internet atu ema hotu bele konsulta gratuitu.

Hadi'ak kualidade despeza públika nian:

Pergunta ba Partidu Polítiku

Tanba ne'e, FRETILIN nia governu hakarak halo levantamentu exhaustivu ida, iha ministériu sira hotu, ba devér sira-ne'ebé mak mosu laho justifikasaun, no mos identifika medida ba rasionaliza no kualifika despeza.

FRETILIN hakarak lansa programa ida ne'ebé bele promove relasionamentu di'ak liu entre sidadaun sira ho Administrasaun Públika no hamenus kustus iha kontextu ba empreza sira.

- Hó harii “espasu sidadaun” ho lalika la' o ba-nia fatin barak atu bele rezolve asuntu ida de'it no atu entrega dokumentus ba entidade pública oi-oín;
- Hó introdusaun “Kareta” hó informasaun tomak iha fatin ida de'it kona-ba tranzasaun no prosedimentu hotu-hotu ba hasai foun ka renova karta kondusaun, abate automóvel ka rejistu veíkulu, inspesaun, selu impostu, no mos prosedimentu sira kontra ordenasaun nian.

FRETILIN sei haforti no haklean liután autonomía lokál, hodi aposta iha aumentu lejitimasaun rejaun espesial sira-nian, hodi loke dalan ba transferénsia kompeténsias Estadu nian ba órgaun sira besik liu ema sira nu'udar ema hotu nia hakarak. FRETILIN nia vizaun hatuur iha:

- Haklean liután demokrasía lokál
- Organiza-hikas no haluan tan rede servisu ba proximidade

8. ***Daudauk ne'e Timór-Leste iha esforsu boot atu sai membru ASEAN***, maibé infelizmente iha estadu ASEAN barak sei iha violasaun direitus umanus grave no korrupsaun boot. Karik Timor-Leste sai nudár parte ASEAN iha futuro, política saida mak ita-boot nia partidu sei trasa atu ajuda hodi hamenus violasaun direitus umanus iha ASEAN laran?

Violasaun direitus umanus grave no korrupsaun boot existi iha mundu tomak, no presiza hadiak iha ne'ebé deit. FRETILIN nia fiar no komprimissu katak Timor-Leste nudar estadu ne'ebe hamriik husi afirmasaun direitus humanus, no ne'ebe konstitusionalmente adere makas ba direitus humanus, no iha governu sei la ses husi nia prinsipiis fundamentais. Timor-Leste nudar membru ASEAN mos sei iha oportunidade atu influensia membru seluk ne'ebé membru ASEAN kona ba assuntu hirak ne'e. Influensia positivamente nudar membru ASEAN makas liu du ke bainhira laos membru.

9. Bainhira Timor-Leste sai membru ASEAN, ita tenke adopta prinsipiú merkadú livre, ida ne'e sei hamenus Timor-Leste nia kapasidade atu desenvolve nia ekonomia produtivu iha rai laran hanesan agrikultura, turizmu, manufakturasaun no seluk-seluk tan, oinsá ita-boot sira nia partidu nia pozisaun kona-ba ASEAN no saida mak ita boot sira sei halo atu minimiza impaktu merkadú livre se TL sai duni membru ASEAN?

FRETILIN nia prinsipiú no plataforma mak atu hari'i ekonomia sosial de merkadú, nudar sistema organizasaun ekonomia atu halo Timor-Leste Buras Liu! Hanesan hakerek iha artigu 115 konstituisaun RDTL nian kona ba kompetensia governu nian: *“Hala'o knaar no mós hola medida ne'ebé presiza ba desenvolvimentu ekonomiasosiál no ba nesiedade comunidade timoroan sira-nian.”*

La'os ho ASEAN deit mak Timor-Leste adopta prinsipiú merkadú livre. Prinsipiú ne'e sai ona iha Planu Nasional Desenvolvimentu iha 2002 ne'ebé Timor-Leste hili prinsipiú merkadú loke no livre maibe ho knaar estratéjiku importante ba governu hodi regula no tau prioridade hatuun pobreza. FRETILIN defende Estadu ida ne'ebé forti, la bele halai ninia funksaun no nafatin presente iha área estratéjiku no ho interesse públiku. Estadu forti la'os estadu boot demais ho funsionáriu barak liu maibe tenke iha estadu ne'ebé inteligente no modernune'ebé assegura atu iha regulasaun efikás ba merkadú sira.

Pergunta ba Partidu Polítiku

Liu-liu iha setór finanseiru mak presiza halo kombate maka'as liu ba konfuzauun balu no relasaun interdependénsia ne'ebé, hó lójika prudensial, lori ho sira fatór ba risku agravadu, sem kestiona direitu konsumidór sira-nian ba produktu no servisu finanseiru. Ne'e duni, tenki:

- Organiza-hikas knaar regulasaun no supervizaun nian
- Haforti-hikas reguladór no supervizór sira-nia independénsia iha setór sira-ne'ebé sira regula
- Prevene konfuzauun no abuzu seluk iha setór finanseiru

Ezemplu spesífiku FRETILIN propoin hodi regula merkadu turi mai. Atu bele kombate mukit no hakbiit dignidade iha servisu, FRETILIN defende:

- Atu hamenus kontratu a prazu ne'ebé barak liu, hadi'ak liután protesaun ba traballadór sira no aumenta indikadór konversaun kontratu a prazu ba permanente, sei hato'o proposta atu limita rejime kontratu ho termu sertu ba másimu tinan 2, ne'ebé tenki labele ona regra kuaze universál ba kontrata traballadór, hodi limita maka'as tebes nia utilizaun;
- Karrega liután kontribuisaun impostu hosi empreza sira ne'ebé iha sinál sira iha rotatividade barak liu ba nia kuadru tanba prekarizasaun boot liu iha relasaun laborál;
- Fasilita atu hatudu kontratu traballu iha prestasaun servisu, hodi lalika rekorre ba expediente falsu traballadór independente hosi empregadór sira.
- Hadi'ak liután kapasidade inspetiva no enkoraja atu hotu-hotu kumpri ho regra laborál;
- Kria regulamentu ba proibi despedimentu laho justa kauza no indemnizasaun tan despedimentu no hirak-ne'e sira-ne'ebé mak izentu impostus.
- Defende diretu konsumidor

Pozisaun jeoekonomika Timor-Leste nian iha ASEAN bele haforti ponte komersial entre plataforma CPLP nian mai merkadu ida-ne'e. FRETILIN sei haka'as-án atu iha tempu badak bele hatama Timor-Leste ba kuadru país sira membru ASEAN no sai nu'udar interlukutór privilejiadu iha kuadru relasoens entre membru sira comunidade rua ne'e nian.

10. ***Presidente Lu-Olo foin promulga Lei tolu kona-ba asesu ba rai***, maibé lei sira ne'e iha aspetu balun ne'ebé la fó benefísiu ba povu ki'ik sira. Karik eleitu, polítika saida mak ita-boot sira sei halo atu ajuda povu ki'ik sira hodi haforsa direitu ba asesu ba rai no atu proteje povu kontra espropriaun no eviksaun ilegal ka labele justifika?

Divulga informasaun kona-ba lei sira publika ona, iha linguajem momoos, ho lia portugues no iha lia tetun, sidadaun hotu bele komprende, inklui mos rezumu iha suporte áudio ba sira matan labele haree;

Loke Banco de Terras hodi fó prioridade ba joven empresariu sira iha área rural halao atividade agri-negosiu.

Kria mekanismu legal hodi aproveita rai agrikulu no floresta ne'ebé abandonadu ka rai na'in la konhese.

11. ***Durante década ikus ne'e, governu aloka maizumenus tokon \$30 kada tinan atu dezenvolve setór agrikultura***, no aloka osan barak liu ba mega-projetu sira, pensaun ba veteranu sira, no administrasaun públiku. Saida mak ita-boot sira hanoin kona-ba política ne'e? Timor-Leste bele kontinua nafatin hanesan ne'e ba futuru?

Agrikultura importante tebes ba moris di'ak ba povu timor nomos diversifikasaun economia ne'ebe bele hatuun dependêcia ba rekursu ne'ebé laos sustentável hanesan gas no petróleu.

Pergunta ba Partidu Polítiku

Programa FRETILIN iha agrikultura no espasu rural tuir prinsipiu 3: esplorasun potensial ekonómiku agrikultura nian; promosaun desenvolvimentu rural; no fomentu gestaun florestal ne'ebé sustentável.

- Hadiar kualidade produktu
- Hametin segurança alimentar no produtividade ne'ebé bele hatuun importasaun
- Prokura oferece apoiu hodi reforsa agrikultura eskala kiik no hametin comunidade no sociedade iha área rural
- Estimula diversifikasaun ekonomia no kria empregu área rural liu valoriza produktu lokal no loke fatin rekreiu (lazer) ka turismu
- Aumenta apoiu ba agrikultor joven sira no insentivar empreendedorismo rural

No peska no rekursu marinha:

- Aproveita rekursu genétiku marinho ho potensial iha área farmaseutikal ka agroalimentar
- Aposta na akuicultura

FRETILIN sei garante sistema Seguransa Sosiál nia sustentabilidade, liuhosi hamosu fundu ida atu bele garante katak ema katuas ho ferik sira, veteranu sira no sira ne'ebé simu bolsa da mãe atu simu nafatin sira-nia subsídiu. Nune'e sei la presiza fundus desvia husi setor seluk tintinan.

12. Tinan-tinan, *Timor-Leste importa ai-han husi rai-li'ur, no deficit komérsiu ba bens no servisu liu biliarun ida kada tinan*. Maske nune'e, Governu decide ona atu harii portu Tibar atu fasilita importasaun. Maibé, produktu baratu importa husi li'ur halo difisil liu tan ba agrikultór sira iha rai laran hodi kompete, no ida ne'e hamenus ita nia produsaun. Polítika saida mak ita-boot sira nia partidu sei halo atu hamenus importasaun no maximiza produsaun lokál bas konsumsaun lokál?

FRETILIN atu valorize atividade agrikulu, florestal, peska no espasu rural. Favor haree resposta pergunta iha leten hodi haree konaba parte agrikultura nian.

Iha dekada liuba seidak iha investimentu boot iha turismo no fatin públiku lazer (rekreiu). Turismu dometiku nomos ema internasional bele kria empregu no saída ba produktu lokal. Liu interkambiu konhesimentu aplikadu iha sentru inovasaun no desenvolvimentu teknolojia ho comunidade rural sira bele identifika produktu foun ba konsumu lokal ka exportasaun.

FRETILIN atu lansa programa integradu de sertifikasaun no promosaun produktu regional, espesialmente sasan produzidu ho kaben tekniku artesanal ho inovasaun. Hodi dudu inovasaun no transfera teknolojia no konhesimentu ba rai Timor no desenvolve ekonomia ne'ebé diversifikadu, FRETILIN konvida universidade Timor sira halao parseria ho governu no empresa sira.

Ho nesiedade impulsionar ekonomia Timor nian ba kresimentu forti no sustentadu, empresa sira tenke buka merkadu foun ne'ebé bele afirma sira nia vantagem kompetitivu no potensial liu projetu inovador sira. Presiza kapatitasaun rekursu humanu iha empresa sira iha setor transaksional no hametin invetimentu ho promosaun komersial nível internacional. FRETILIN atu: renova entidade publiku responsável ba promosaun investimentu no komérsiu externu; fasilita mekanismu kreditu nian no prefinansiametu ba exportasaun; promove mobilizasaun rekursu humanu bootliu iha área komersiu internasional ho insersaun joven sira.

Pergunta ba Partidu Polítiku

Pergunta ba asuntu polítika, demokrasia no seguransa

1. **Relatóriu CAVR “Chega!”**, **KPP-HAM Indonézia**, **Komisaun Peritus ONU nia rekomenda atu kria Tribunál Internasionál hodi julga autór krime kontra umanidade iha Timór-Leste husi tinan 1975-1999**. Maibé, autór krime grave sira ne’e nafatin livre iha Indonézia no kaer podér boot, no sira seidak ba hatán iha tribunál. Polítika saida mak ita nia partidu sei halo atu hakotu impunidade ba krime pasadu?

JT

2. **Okupasaun Indonézia iha Timór-Leste halakon ema barak ho obrigatóriamente**. Ita-boot sira hanoin katak Timór-Leste bele ratifika Konvensaun Internasionál ba Ema Lakon (International Convention for the Protection of All Persons from Enforced Disappearance) ka lae?

JT

3. **Iha tinan 2013-2015, iha operasaun militar boot iha Timor-Leste ba buka, kaer no oho Mauk Moruk ho nia elementu sira**. Operasaun ida ne’e halakon tiha sidadaun sira-nia direitu no liberdade fundamentál no respeito ba estadu nia prinsípiu kona-ba direitu demokrátiku; saida mak ita-boot partidu sei halo atu Timor-Leste labele repete tan polítika ida ne’e?

Instituisaun justisa sira hanesan Ministeriu Publiku no Tribunais mak iha knaar atu garante direitu sidadaun nian hasoru violasaun hanesan temi iha pergunta. Se akontese violasaun, iha ka husi instituisaun competente hanesan ministério oubliku ne’ebe iha knaar hodi investiga no prosesa violadores ba direitos humanus. Justisa forte no insenta deit mak bele garante direitos fundamentais la hetan violasaun husi se se deit.

Justisa ba povo Timor-Leste aspetu importante ba FRETILIN. Tamba ne’e mak FRETILIN iha komprimissu forte kona ba justisa. FRETILIN senti katak ameasa no risku sira ba seguransa, sira kada vez global liu tan, ho oin-barak, kompleksu no sofistikadu. Buat ne’ebé mak mosu daudauk ona ho tráfikku ema, kilat no droga, terrorismu, siberkrime no kriminalidade ekonómiko-finansieru modernu.

FRETILIN sei asegura atu halo Forsas Armadas modernu liu no sei valoriza mos hala’o knaar iha área Defeza Nasionál.

Moderniza no racionaliza sistema seguransa rai-laran, tenki:

1. Investe iha teknolojía informasaun no komunikaun hodi bele aumenta efikásia no efisiénsia atividade operasionál nian, haforti tan asesu ba informasaun operasionál, no buka atu sidadaun sira nia relasaun ho Forsas no Servisus Seguransa di’ak liután;
2. Reestruturá sistema edukasaun ba forsa no servisu sira seguransa nian, fahe-lisuk informasaun, matenek, kompeténsia no rekursus. Prosesu ida-ne’e sei presiza atu organiza kurríkulu ba kursu komúm sira – iha nível hahú, intermédiu no superior;
3. Tau ajente sira servisu no forsa seguransa iha fatin dignu.

Importante ba FRETILIN:

Pergunta ba Partidu Polítiku

- Aumenta prevensaun no kontrolu ba kriminalidade grave, violentu no organizadu tebetes
- Hadia tan sistema protesaun vítima hosi krime no ema sira iha risku laran
- Kria justisa restaurativa ida loloos, hadia tan sistema ezekusaun pena no medida kautelár sira no valoriza reinsersaun sosiál
- Prevene reinsidénsia
- Hadia tan efisiénsia protesaun sivíl nian no kondisaun ba prevensaun no sokorru
- Promove seguransa rodoviária no hamenus asidente iha estrada

Naran Responde:

Naran Partidu: FRETILIN

Data: xx/07/2017

Asinatura: